



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm II. Præsentiam.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

S Y M M A R I V M.

1. Omnes illegitimè nati irregulares sunt, nisi ab Ecclesiastico Principe legitimè tur, vel illegitimus religiosus fiat.
2. Ad Prälaturam autem, vel curam animarum extra, aut intra Ordinem promoueri non possunt.
3. Ordinum mendicantium Prälati dispensare possunt ad prälaturas intra Ordinem consequendas.

nati fu erint, ac postea professi, probabile est maculam aboliri, vt celebrare possint, argum. c. 1. d. 56. jun. Gl. & docet Sanchez lib. 5, moral. c. 5. n. 10. contra Sairum in thesauro lib. 6. c. 11. n. 3. Cūm enim illegitimè nato, si religiosus factus sit, ordines suscipere concessum sit, cur non etiam susceptis vti? Cūm id faciliorem concessionem habeat, vt dixi lib. 5. Th. mor. tr. 5. p. 5. c. 9.

Ceterum ad prälaturam illegit imè natus promoueri non potest, vti habetur hoc c. Sed neque ad curam animarum extra, aut intra Ordinem, c. vlt. eod. tit. Sed alia officia, seu administrationes ordinis, etiam prioratum claustralem, qui ad nutrum Superioris auferri potest, illegitimè natis Religiosis conferri possunt, yti colligitur ex iuribus civitatis, & docet Nuar. Consil. 6. de filijs Presbyterorum, n. 6. edit. 2. Sairus loc. cit. Sanchez. n. 16.

Præterea Ordines Mendicantium Apostolicum priuilegium habent, vt eorum Prälati in Capitulo Generali, aut Prouinciali cum illegitimè natis dispensare possint ad Prälaturas intra Ordinem consequendas, vt vide est apud Rodriq. tom. 1, regul. q. 13. a. 6.

C A P I T U L U M II.

P r æ s e n t i a m .

P A R A P H R A S I S.

Robertus Presbyter, ex fæcere illegitimè natus, impetravit ab Alexandro III. Pontifice capellaniam in Ecclesia, in qua pater eius beneficium habuerat, in postulatione idipsum reticens. Hoc cognito, rescribit Papa, non obstantibus prioribus Papalibus literis, Robertum à capellania amouendum esse.

S Y M M A R I V M.

1. Filius clerici illegitimè natus non potest obtainere beneficium in ecclesia, in qua pater ex officio ministravit, vel beneficium

Yyy ciuum

- ciam habet, aut habuit; nec pensiones habere super fructibus paterni beneficij.
2. Religiosus illegitimus non potest in seculari ecclesia ex officio v.g. vt parochus aut Vicarius ministrare, in qua pater eius beneficium haberet, vel habuit.
 3. Filius illegitimus non potest in Religionem seu monasterium, in quo pater eius profectus est, ipso viuente suscipi.
 4. Prohibet Trident. ne in fraudem huius constitut. resignations reciproce fiant in fauorem filiorum à parentibus clericis.
 5. Litera papales subreptitia sunt, presertim beneficiales, si impetrata sunt tacita veritate, quæ si cognita fuisset Pontifici, gratiam non fecisset; aut beneficium non contulisset, vel conferri mandasset.
 6. Papa facilius dispensat cum filio Sacerdotis, vt post ipsum ministret in eadem ecclesia, quam ut simul cum patre.

NO T A N D V M I. Filius Clerici illegitimum natus non potest obtinere beneficium in ecclesia, in qua pater ex officio ministravit. Id vero expressius definitum est in Concil. Trident. sess. 25. c. 15. de reform. Ut non licet filio Clerici illegitimum nato in ecclesia, vbi eius pater beneficium aliquod ecclesiasticum habet, aut habuit, quodcunque, etiam dissimile beneficium obtinere, nec quoquo modo ministrare: sed nec pensiones habere super fructibus beneficij, quod pater eius obtinuit. Ratio constitutionis assertur in eod. c. 15. vt paternæ incontinentiæ memoria ab Ecclesijs, seu locis Deo sacris longissimè arceatur.

Sunt autem diligenter attendenda verba Constitutionis, vt ultra ea extensio non fiat in materia penali. Primo itaque ad hanc inhabitatem requiritur: quod sit filius clericis, non ex matrimonio legitimo natus. Quod si ante clericatum patris ex fornicatione susceptus sit, etiam comprehendetur hoc decreto. Neque iuuat, tametsi illegitimum natus à Pontifice legitimatus sit; nisi etiam

hæc inhabilitas expressè sublata fuerit, vt docet ex communi Sairus in thesauro lib. 6. c. 9. n. 30. Nam etiam post legitimationem manet incontinentiæ paternæ memoria, quæ locum sacram dedecet, vt leges apud Gallemart in remissib. super cit. c. 15. Trid. Sed QVÆRITVR primò: Vtrum etiam Religiosi comprehendātur, si ex clericis illegitimè nati sint? Negat absolute Sairus apud Ioann. Gallemart in remissionib. super cit. c. 15. Respondeo & dico I. Religiosus illegitimus natus non potest in ecclesia seculari ex officio ministrare v.g. vt parochus, aut Vicarius in qua pater eius beneficium habet, vel habuit. Nam cap. huius atque Concilij Trident. constitutio generalem de omnibus illegitimè natis presbyterorum filiis, sitem in ordine ad seculares ecclesiias, prohibitionem continet. Accedit quoddam ratio urget, vt paternæ incontinentiæ memoria à locis sacris aboleatur.

Dico II. Filius illegitimus natus, in Religionem, seu Monasterium, in quo paterius profectus est, ipso viuente suscipi non potest. Ita statuit Gregor. XIV. in Bulla, quæ incipit: *Circumfelta*, apud Quarantam in summa Bullarij, ver. Monasteria. Inde autem per contrarium sensum colligi videatur. Si pater mortuus sit, suscipi posse in eandem Religionem seu Monasterium. Quia, vt Rodr. notauit tom. 1. Regul. q. 13. a. 6. Alex. III. in hoc c. & Trident. Concilij intentio non fuit restringere illegitimis libertatem Religionem ingrediendi, eò quod Patres eorum, quamvis sacerdotes, in eodem Monasterio vel Religione professio nem ediderint.

QVÆRITVR secundò: Vtrum dictis constitutionibus comprehendatur etiam nepos ex filio illegitimo clerici legitimè vel illegitimus natus, quod ex officio ministrare non possit in ecclesia, vbi eius pater beneficium habet, vel habuit. De hac re diuersæ Cardinal. declarationes, & contrarie DD. sententiæ extant. Sed probabilius negatur. Quia in constitutione penali, & odiosa, qualis hæc est, appellatione filiorum non

com-

comprehenduntur nepotes, vt dixi etiam lib. 4 Th. mor. tr. 2. c. 14. n. 5.

Alterum REQUISITVM est. Quod pater beneficium habeat, vel habuerit. Vnde colligitur primò: Si filius etiam illegitimè natus, in aliqua ecclesia beneficiari fuerit, ac mortuus sit, vel resignarit, posse patrem eius in eadem beneficium acquirere, immo filio in eodem beneficio succedere, non obstantibus dictis constitutionibus, quippe quæ extendi non debent ultra casum expressum. Accedit, quod alia sit ratio in filio succedente patri: quia filius quodammodo representat patrem, id est que paternæ incontinentiæ memoriam continuat. Quæ ratio non ita locum habet in patre comparatione filij illegitimi. Ita ex communī docet Nicol. Garcias p. 7. c. 3. n. 28. Nauar. lib. 1. cons. 9. & 10. hoc tit. edit. 2. Simil tamen non possunt pater & filius in eadem ecclesia ex officio ministrare, vt aperte ex Trid. Concil. colligitur. Quare si filius iam obtineat in ecclesia beneficium, pater eius admitti non potest, vniuersitatem Cardinal. declararunt cit. c. 15. n. 4.

Colligitur secundò: Si pater in ecclesia intitulatus non fuit, sed vt Capellanus, vel Cooperator amobili inferuiuit, posse filium eius illegitimè natum in eadem ecclesia beneficium acquirere. Ita Cardinales declararunt apud Garciam loco cit. n. 72. Simil tamen permittendum non est, vt pater & filius quomodounque ministrarent ex officio & obligatione, tametsi pater intitulatus non sit. Sed ex devotione, aut ad stipem promerendam nihil impedit eos simul celebrare: vel unum ita celebrare in ecclesia, vbi alter beneficiarius est, sicuti ex probabiliore docet Garcias n. 70.

Colligitur tertio: Si pater pensionem tantum in ecclesia habuit, quam in alterum transferre concessum sit, quod eam filio cedere poslit: quia pensio non est beneficium. Ita ex communī Azor tom. 2. lib. 8. c. 7. q. 7. Garcias cit. c. 3. n. 34. De hoc tamen merito dubitari potest, si pensio spiritualis sit, seu ex spirituali ministerio proueniens, iuxta ea, quæ dixi lib. 4. tr. 2. c. vlt. n. 1.

Sed QUÆRITVAI. Quid si pater in aliqua

Ecclesia intitulatus nullos redditus habuit, sed tantum sedem ac locum v. g. Canonici, potestne eius filius illegitimus in eadem Ecclesia beneficium, aut pensionem aliquam consequi? Respondetur negatiuè ex Cardinal. declarat. apud Garciam n. 66.

Quæritur secundò: Quid si pater intitulatus fuit in Ecclesia, sed possessionem nunquam est assecutus, quia prius resignauit. Respondetur ex eodem Garcia n. 55. Gallemart. cit. c. 15. n. 4. s. Non sunt, & n. 6. posse filium in eadem Ecclesia institui. Quia non plenè censem beneficium in Ecclesia consecutus. Sed vice versa si pater possessionem beneficij, quamvis non pacificam, & sine titulo legitimo acquisuerit, tum filius in eadem Ecclesia ex officio ministrare non potest, vt ex Cardinal. declarat. refert idem Garcias n. 59.

Quæritur tertio: Quid si pater intitulatus fuit, & possessionem beneficij assecutus, tamen nunquam in eo ministrarit? Respondetur. Filium eius in eadem Ecclesia defseruire, aut beneficium, consequi non posse: quia pater eius beneficium consecutus censem: ideoque obstat Constitutio Trident. Ita Cardinales apud Gallemart n. 4. in fine, Garciam n. 56. 57.

Tertium REQUISITVM. Ut beneficia, seu officia in eadem Ecclesia sint. Sin autem indierint ecclesiis v. g. parochialibus, quarum una est vnta alteri, tanquam filia matrici, nihil obstat filium illegitimum fieri Vicarium aut Capellum in Ecclesia accessoriæ vnitæ, absque obligatione ministrandi in Ecclesia principal, cuius Rector sit pater eius. Seclus autem est, si beneficia, v. d. ecclesiæ parochiales ita sub eodem Rectori vnitæ sint, vt utraque sit per se ac principalis, tunc si pater in una est, aut fuit Rector, vel aliter beneficiatus, tunc filius eius illegitimus non poterit ex officio ministrare. Ita Cardinales apud Iohan. Gallemart, cit. c. 15. & Garciam num. 62. 65.

Hic tribus positis conditionibus seu requisitis, constitutio prohibitiua tria continet. Primum. Quod filio clerici beneficium qualcunque conferri non possit. Et debet

Yyy z hoc

hoc intelligi de beneficio etiam manuali, atque comienda temporali. Alterum. Quod filius Clerici in ea ecclesia quovis modo ministrare permittendus non sit. Quod intelligi debet ex officio, ut videlicet Cooperatorem, vel sacellananum agat pro stipendio seu salario sibi constituto. Sed quod neque Sacristae, vel Cantoris officio in ea ecclesia fungi possit, Cardinal. declararunt, cit. c. 15. Tertium.

Quod pensionem aliquam ex fructibus eius beneficij, quod pater obtinet, vel obtinuit, filius consequi non possit.

4 Porro his addendo prohibetur Tridentinum. Concil. eod. c. 15. in fine; ne in fraudem supradictae constitutionis resignationes reciproce in favorem filiorum a parentibus Clericis fiant. Necesse tamen est, ut aliqua pactio inter renuntiantes interueniat, & non ex mera voluntate, aut ex gratitudine aliquis renuntiet filio eius, qui sibi aut cognato suo ante renuntiarat, ut videlicet apud Nauar. lib. 1. consil. 10. de renunt. edit. 2. Exempli causa: Titius Parochus parochiam suam renuntiavit in favorem Caij, qui est filius Sempronij Rectoris alterius Parochiae: Iste Rector post duos, vel tres annos Parochiam suam, nulla praecedente resignandi obligatione, renuntiat in favorem Seij, qui est filius illegitimus Titij, valida & Trident. Concil. non repugnans haec renuntiatio iudicari debet.

5 NOTANDVM II. Literæ papales subreptitiæ sunt, præsertim beneficiales, si imperatæ sint tacita veritate, quæ si Pontifici narrata, & cognita fuisset, nequaquam gratiam fecisset, aut beneficium contulisset, vel conferri mandasset, c. cum adeo, 17. c. super literis, 20. de rescr. Cæterum si Papa proprio motu, & ex certa scientia conseruat ac mandet conferri beneficium Titio, qui Clerici filius est, tametsi illud olim a patre eius obtentum fuerat, validum est rescriptum, & executioni mandandum. Quia clausula ex certa scientia rescripto inserta omnem præsumptionem subreptionis excludit: quin potius præsumi debet, Papam sciuisse impedimentum eius, pro quo scribit, & cum eo dispensare, sicut docet hic Gl. ver. non obstantibus, & sequitur Anton, & alij, arg. c. si motu, 23. de præb.

in 6. Vel etiam si in specie nescierit, voluit tamen dispensare, si canonicum impedimentum Papali potestati qualemcumque subfit; id que proprie adiectam clausulam, non obstantibus, sicuti notauit Lapus c. 1. de filiis presbyterorum in 6. n. 6.

His addendum est; quod Papacum filio sacerdotis facilitus dispenset, ut post ipsum ministret in eadem ecclesia, quam ut simul cum patre. Id enim ecclesia decori magis repugnat, arg. c. cum decorem, 15. hoc tit. & notat Rebuff. in praxi, tit. de dispens. super defectu natal. n. 31.

CAPITVLVM III.

Præsentium.

Filius sacerdotis non potest suscipi ad ministerium Ecclesiæ, cui pater eius praefuit: Et si susceptus est, inde amouendus est.

CAPITVLVM IV.

Conquerente.

I constat, quod pater Richardi, ex ipso illegitimè nati, in ecclesia beneficium aliquod, v. g. personatum obtinuit, non potest Richardus vel idem, vel aliud in eadem ecclesia beneficium habere, aut retinere.

CAPITVLUM V.

Veniens.

PARAPHRASIS.

Nicasius Clericus ab Episcopo suo Presbyter ordinatus fuit, & Rector Capellæ S. Leonardi creatus, sed postea ab eodem spoliatus ac deiectus, sed quod pater eius in eadem ecclesia ministraverit. Quare Nicasius questus est Alexandro III. Qui re intellecta, scriptis ad Episcopum: Si is eo tempore, quo Nicasium presbyterum ordinavit, & Capellæ præfecit, sciuera, patrem eius in eadem ecclesia ministrasse,

tum